

著中吹之令入差

又方白馬尾二七莖白馬前腳目二枚合燒之以苦酒丸如小豆開口吞二丸須臾服一丸

又方針百會當鼻中人髮際五寸針入三分補之針足大指甲下肉側去甲三分又針足中指甲上各三分大指之內去端韭葉又針手少陰銳骨之端各一分

又方灸臆中穴二十八壯

救卒客忤死方第三

客忤者中惡之類也多於道塗門外得之令人心腹絞痛脹滿氣衝心胸不即治亦殺人救之方

道藏輯要

肘後備急方

五

虛集十

灸鼻人中三十壯令切鼻柱下也以水漬粳米取汁一二升飲之口已禁者以物強發之

又方搗墨水和服一錢匕

又方以銅器若瓦器貯熱湯器著腹上轉冷者撤去衣器親肉大冷者易以熱湯取愈則止

又方以三重衣著腹上銅器著衣上取稍少許茅於器中燒之茅盡益之勿頓多也取愈乃止

又方以繩橫度其人口以度其臍去四面各一處灸各三壯令四火俱起差

又方橫度口中折之令上頭著心下灸下頭五壯

又方真丹方寸匕蜜三合和服口噤者折齒下之
扁鵲治忤有救卒符并服鹽湯法恐非庸世所能故不載而此
病卽今人所謂中惡者與卒死鬼擊亦相類爲治皆參取而用
之已死者

搗生菖蒲根絞取汁含之立差

卒忤停尸不能言者桔梗燒二枚末之服

又方末細辛桂分等內口中

又方雞冠血和真珠丸如小豆內口中與三四枚差

若卒口噤不開者末生附子置管中吹內舌下差矣

又方人血和真珠如梧桐子大二九折齒納喉中令下

道藏輯要

肘後備急方

六

虛集十
川文一

華佗卒中惡短氣欲死灸足兩母指上甲後聚毛中各十四壯

卽愈未差又灸十四壯前救卒死方三七壯已有其法

又張仲景諸要方麻黃四兩杏仁七十枚甘草一兩以水八升

煮取三升分令咽之通治諸感忤

又方韭根一把烏梅二十箇茱萸半斤以水一斗煮之以病人

櫛內中三沸櫛浮者生沈者死煮得三升與飲之

又方桂一兩生薑三兩梔子十四枚豉五合搗以酒三升攪微

煮之味出去滓頓服取差

飛尸走馬湯巴豆二枚杏仁二枚合棉纏椎令碎著熱湯二合

中指捻令汁出便與飲之炊間頓下飲差小量之通治諸飛

尸鬼擊

又有諸丸散並在備急藥中客者客也忤者犯也謂客氣犯人也此蓋惡氣治之多愈雖是氣來鬼魅毒厲之氣忽逢觸之其衰歇故不能如自然惡氣治之入身而侵剋藏府經絡差後猶宜更爲治以消其餘勢不爾亟終爲患令有時輒發

附方

外臺秘要治卒客忤停尸不能言細辛桂心等分內口中

又方燒桔梗二兩末米飲服仍吞麝香如大豆許佳

廣利方治卒中客忤垂死麝香一錢重研和醋二合服之卽差

治卒得鬼擊方第四

道藏輯要

肘後備急方

七

虛集十

鬼擊之病得之無漸卒著如人力刺狀胸脇腹內絞急切痛不可抑按或卽吐血或鼻中出血或下血一名鬼排治之方

灸鼻下人中一壯立愈不差可加數壯

又方升麻獨活牡桂分等末酒服方寸七立愈

又方灸臍下一寸三壯

又方灸臍上一寸七壯及兩踵白肉際取差

又方熟艾如鴨子大三枚水五升煮取二升頓服之

又方鹽一升水二升和攪飲之并以冷水噴之勿令卽得吐須

與吐卽差

又方以粉一撮著水中攪飲之